

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1113027 24 St
Sarajevo, 27.11.2025. godine

Općinski sud u Sarajevu, stečajni sudija Ivana Kulić, u stečajnom postupku nad imovinom stečajnog dužnika "ISV" Društvo sa ograničenom odgovornošću za radio-difuziju, trgovinu i usluge, Bugojanska broj 13, Sarajevo, van ročišta dana 27.11.2025. godine, donio je sljedeće:

R J E Š E N J E

Otvara se i odmah zaključuje stečajni postupak nad imovinom stečajnog dužnika "ISV" Društvo sa ograničenom odgovornošću za radio-difuziju, trgovinu i usluge, Bugojanska broj 13, Sarajevo, MBS: 1-22554, broj glavnog računa: 1610000010210037 otvoren kod Raiffeisen bank d.d. Sarajevo.

Za stečajnog upravnika se imenuje Nijaz Salamović iz Sarajeva.

Određuje se upis zabilježbe o otvaranju stečajnog postupka u sudskom registru Općinskog suda u Sarajevu u matičnom registarskom broju subjekta upisa MBS: 1-22554.

Po pravosnažnosti ovog rješenja, isto će se dostaviti Odjeljenju registra privrednih subjekata Općinskog suda u Sarajevu, radi brisanja stečajnog dužnika iz sudskog registra MBS: 1-22554.

Troškovi stečajnog postupka padaju na teret stečajnog dužnika.

Ovo rješenje će se objaviti u "Službenim novinama FBiH", na oglasnoj tabli suda, web stranici suda-elektronskoj tabli suda i na internet stranici Finansijsko-informatičke agencije.

O b r a z l o ž e n j e

Rješenjem ovoga suda broj gornji od 17.02.2025. godine pokrenut je prethodni postupak radi utvrđivanja uslova za otvaranje stečajnog postupka nad imovinom stečajnog dužnika "ISV" Društvo sa ograničenom odgovornošću za radio-difuziju, trgovinu i usluge, Bugojanska broj 13, Sarajevo, te je za privremenog stečajnog upravnika imenovan Nijaz Salamović iz Sarajeva.

U prethodnom postupku privremeni stečajni upravnik je dana 12.03.2025. godine dostavio Izvještaj u kojem je naveo da društvo ne obavlja poslovne aktivnosti i ne ostvaruje prihode, da je račun stečajnog dužnika broj 1610000010210037 kod Raiffeisen bank d.d. Sarajevo blokiran od dana 03.12.2008. godine, a račun broj 1941014949900105 kod Procredit bank d.d. Sarajevo blokiran od dana 05.02.2008. godine, da društvo nema imovine, da ne može izmiriti svoje obaveze iz imovine sa kojom raspolaže, da ne vrši registrovanu djelatnost, da nema ugovorenih poslova već samo dugovanja, te da nema izgleda da može nastaviti poslovanje.

Uplaćeni predujam u smislu odredbe člana 60. stav 1. Zakona o stečaju koristi se samo za pokriće troškova prethodnog postupka, a privremeni stečajni upravnik je prilikom saslušanja izjavio da stečajni dužnik ne posjeduje imovinu koja bi mogla pokriti troškove stečajnog postupka.

Cijeneći Izvještaj privremenog stečajnog upravnika, sud je primjenom člana 102. stav 7. Zakona o stečaju¹, javnim pozivom od 17.07.2025. godine pozvao povjerioce i zainteresovana lica da u roku od 30 (trideset) dana od dana objavljivanja ovog poziva predlože otvaranje stečajnog postupka nad imovinom stečajnog dužnika "ISV" Društvo sa ograničenom odgovornošću za radio-difuziju, trgovinu i usluge, Bugojanska broj 13, Sarajevo, uz uplatu predujma za obezbijedenje troškova stečajnog postupka u iznosu od 4.000,00 KM na depozitni račun ovog suda broj 1411965320009639 otvoren kod BBI Banke, uz upozorenje da ukoliko u ostavljenom roku niko od pozvanih ne predloži otvaranje stečajnog postupka i ne uplati određeni predujam, sud će donijeti rješenje o otvaranju i zaključenju stečajnog postupka.

Isti je objavljen u Službenim novinama FBiH broj 75 – strana 20, dana 01.10.2025. godine i izvršeno javno oglašavanje putem oglasne table suda i web stranice suda-elektronske table suda.

U ostavljenom roku, a ni do dana donošenja ovog rješenja nije dostavljen dokaz o uplati navedenog iznosa, niti je dostavljen podnesak kojim je neko od povjerilaca ili zainteresovanih lica obavijestio sud da će uplatiti traženi iznos predujma.

Odredbom člana 115. Zakona o stečaju je propisano da stečajni povjerioci mogu svoja potraživanja prema stečajnom dužniku ostvarivati samo u stečajnom postupku.

Na osnovu Izvještaja privremenog stečajnog upravnika, utvrđeno je da stečajni dužnik duži vremenski period nije imao poslovnih aktivnosti i da su računi blokirani, da stečajni dužnik nema imovine iz čije bi se prodaje mogli pokriti troškovi stečajnog postupka odnosno da nema stečajne mase.

Po javnom pozivu od 17.07.2025. godine niko od pozvanih/zainteresovanih lica nije predložio otvaranje stečajnog postupka niti dostavio dokaz o uplati traženog predujma za pokriće troškova stečajnog postupka, pa obzirom da nema stečajne mase za pokriće troškova stečajnog postupka, niti je iskazana volja za predlaganje otvaranja stečajnog postupka, to je sud donio odluku kao u dispozitivu, a primjenom odredbi člana 102. stav 8. Zakona o stečaju.

Odluka o objavljivanju otvaranja i zaključenja stečajnog postupka donesena je na osnovu odredbi člana 102. stav 8. i 107. Zakona o stečaju.

Odluka o brisanju pravnog lica iz sudskog registra donesena je na osnovu odredbi člana 108. stav 1. tačka b). Zakona o stečaju.

STEČAJNI SUDIJA
Ivana Kulić

POUKA: Protiv ovog rješenja dozvoljena je žalba. Žalba se podnosi Kantonalnom sudu u Sarajevu putem ovog suda u 3 (tri) primjerka, u roku od 8 dana po proteku 5 dana od objave rješenja u „Službenim novinama FBiH“.

¹ „Službene novine FBiH“ broj 53/2021